

\*\*\*\*\*

RAGAD ADVERTENTIE:

Kabar premili: 1 — 30 temboeng f 1.—  
Langkoengipoen, saben 10 temboeng oetawi kirang: f 0,50.

Advertentie limrah: f 0,15 sagaris;  
(apes: f 1,25).

Moendoet kapatjak langkoeng saking sapisan, oetawi moendoet dados lengganan, tepang rembag roemijin kalijan administratie.

Hoofdredacteur:

B. SOEMARNA

kabantoe

REDACTIE - COMMISSIE.

\*\*\*\*\*

SWARA-TAMA

SERAT KABAR KATHOLIEK

Medal saben dinten Djoemoewah.

\*\*\*\*\*

REGINIPOEN LENGGANAN

SWARA TAMA

1 taoen . . . f 6,— } njoewoen kabajar  
1/2 " . . . f 3,— } roemijin.  
3 woelan . . . f 1,50 }

Adrèsipoen Redactie lan Administratie

IGNATIUS-COLLEGE

DJOKJAKARTA

Telefoon no. 885.

\*\*\*\*\*

Drukkerij „Canisius” Djokja.

IS INIPOEN:

Kanggé ngindakaken kawroeh —  
Poesaka Rah Dalem ing Boxmeer —  
Pasar malem — Poenapa boten prajogi béndjing malih dipontjateti —  
Mulofeest — Dadosa panggalihan —  
50 taoenan — Congregatie W. K. —  
Poespita mantja warna — Ontjen sekar gambir melati — Panglimbang —  
Oerap-sari — Correspondentie.

KASOESASTRAN.

KANGGÉ NGINDAKAKEN KAWROEH.

(basa Djawi).

Wontenipoen basa krama ing basa Djawi poenika dèrèng lami. Saweg djamaniipoen kraton Mataram nalika K. S. Soeltan Agoeng djoemeneng nata, ing semoe dèrèng wonten basa krama kados ing sapoenika, katanda saking serat pijagem djamani Mataraman ingkang kaserat ing tembagi, kados ing ngandap poenika:

Para maos pirsira pijambak bilih ing pijagem poenika temboeng ngoko kalijan krama dipontjampoer. Dados basa krama loegoe ingkang kanggé ing sapoenika poenika oemoeripoen dèrèng wonten tigang atoes taoen. Dr. Brandes mastani basa krama poenika kados déné oetji-oetji, dados toemrapipoen basa Djawi prasasat sesakit. Wontenipoen basa krama poenika peksan, boten béda kalijan temboeng Djawi ingkang kanggé wonten ing basa Soenda.

Mila jèn wonten pétangan: sing djan Djawa ikoe basa krama apa Ngoko, wangsoelanipoen kedah: basa Ngoko. Kalijan malih poendi wonten tijang ngoenandika mawi basa krama.

Dados jèn wonten ingkang badé damel pasadjanipoen basa Djawi, koela boten roedjoek manawi mendet krama. Djawa-dipa, ngoko tanpa oenggah-oenggoeh, koela inggih boten matoek. Saénipoen: ngoko, awit poenika djan basa Djawi, nanging katjampoerana krama oetawi krama-inggil soepados katingal oenggah-oenggoehipoen, boten béda kalijan basa Walandi lsp. basa namoeng satoenggal, nanging kadang kala mendet temboeng ngaman-tja kanggé ngatingalaken oenggah-oenggoeh, kados déné (Serat saking Nederland).

Hollandsche Neutrale School

Kalitidoe (Bodjonegoro)

betah goeroe pambantoe, ingkang wedalan Kweekschool (kl. 3 vierjarige cursus) langkoeng oetami ingkang sampoen praktijk. Diploma boten perloe, waton gijat njamboet damel. Serat lamaran dateng kepala sekolah.

taoen dipoenarak moebeng kita Boxmeer, toeroet margi ageng. Wontenipoen arak-arakan waoe inggih sampoen kina mreboeng. Ing noewala paseksènipoen K. Biskop Jacobus a Castro kaseboet ngadjeng, oegi njarijosaken bab poenika. Dados ing taoen 1631 arak-arakan Rah Dalem pendak taoen, sampoen dados padatan.

Arak-arakan waoe pendak taoen dawah ing dinten Ngahad bakda Pantékostah let kalih minggu, dados Ngahad ing salebetipoen Octaaf Sakramèn Maha Soetji. Slasa lan Minggu tjandakipoen arak-arakan malih moebeng kita. Jèn pinodjoe arak-arakan makaten, tijang soedjarah saking mantja kita katah sanget, perloe sami ndèrèk arak-arakan. Taoen poenika tijang mantja kita ingkang ndèrèk arak-arakan ing dinten Ngahad, saking Kavelaar, kita tanah Duitschland (oegi pasoejaraharans mi-soewoer) wonten tijang 600, saking Oss., kita nagari Welandi, wonten 300. Kadjawi poenika tijang tanah Limburg, Utrecht lss. oegi katah.

Bab oepatjara oetawi rerenggan saé sanget. Saking katahing tijang lan warni-warnining oepatjara, arak-arakanipoen ngantos pandjang sanget, bingoeng anggèn koela badé njarijosaken. Oetawi malih ing sarèhning rerenggan-rerenggan waoe barang Welandi sadaja, dados anggèn koela badé mastani rekaos. Gendéra-magendéra irid-iridan soemela ing larikaning tijang ingkang sami soedjarah, mawi tjirining pakempalan ingkang anggadhahi pijambak-pijambak, sadaja sarwi soetra, katjoepp ing angin toewin kapandoek ing soroting soerja ing mangsa somer, koemalèbèt koemalap kados oentabing wadyabala malaekat anglang. Vaandel oetawi gendéra bapang, sami gojang pating djerebawah, abrit, idjem, djené, biroe, dadoe, sléwah, kotangan lss. Sadaja mawi tjiri manéka-néka. Wonten ingkang agambar loekoe rinengga ing salib abrit branang, renggep, pantes dados tjitjirining sadèrèk tani; dasaring gendéra idjem, ateges: soeboering pategilan. Sangandaping gambar loekoe (mèmper loekoe tanah Djawi, kaot mawi glindingan), wonten seratanipoen tjara Latin: Cruce et aratro. Tegesipoen: Sarana Salib lan Loekoe.

Wonten malih gendéra ingkang petak gilap, ing tengah rinengga sesekaran biroe laot toewin seratan pradan, oenggelipoen: Voor eer en deugd, tegesipoen: ngoedi kasatrijan toewin kaotamèn. Gendéra poenika gadahanipoen pakempalaning para prijantoen. Makaten sapanoenggilanipoen, saben pakempalan gadah gendéra pijambak, atjiri pijambak-pijambak.

Larikaning arak-arakan pinantapanta oeroet-oeroetan. Wonten sapanta ingkang angémba pradjoeit djamani perang salib. Ingkang dados laré-laré, watawis oemoer 8-9 taoen, amemodjah pandjang, soewal tjekak winiroe malendoeng, rasoeakan petak mawi salib emas soemoroet angrengga dada, arimong bloedroe idjem angron lembajoeng, doemoegi sangandap bokong; akopjah bloedroe idjem winiroe mlipis mawi boeloe-boeloe petak; apending emas, poetjoeking rangka pedang mèh klangsrak ing siti. Ing wingking wonten larénipoen èstri sandangan petak, njawoeng makoeta emas toemoempang ing bebantal bloedroe idjem. Wonten malih pepantaning laré èstri, prawan-prawan soemengit, anggotong tandoe toempakan dalem D. Marijah, Ratoening para kenja. Panganggèning laré sami petak moeloes, amakena krawangan wijar apandjang, mawi djamang rontjen sekar mawar petak. Wonten malih pepantaning laré èstri alit-alit, manganggé sarwa petak, winiroe toempang-balik ing dada toewin lamboeng, djamang sekar tjampoer-bawoer riontjé aselang-seling. Poenika éntanipoen pepantaning malaekat; wonten ingkang mbekta sekar mawar sagagangipoen, wonten ingkang mbekta sekar lèli, wonten malih

POESAKA RAH DALEM ING BOXMEER.

(Serat saking Nederland).

Sambetipoen Sw, Tm. No. 31.

Arak-arakan Rah Dalem.

Poesaka Rah Dalem waoe pendak

inggang mbekta sekar gandoem (plek sekar pantoen) mawi dridji njempoeirit. Samanten inggang sanget mranani menggahing koela, boten sanès kadjawi pepantaning laré èstri alit-alit, watawis oemoer 5-6, irid-iridan djèdjer kalih, sami manganggé rok petak; ramboetipoen potong polkah, pating prentel ngombak-banjoe, wonten inggang djené gilap kados emas enèm, wonten inggang klawoe mawoel-mawoel maroewoen, oetawi malih abrit angembang djaogeng; mripat kados kenèker beling, kilang-kilong, manikipoen wonten inggang biroe kimpling-kimpling, wonten inggang petak toentoeng klawoe bening, katingal telengipoen; pipi sami pating semboerat abrit kados bonèkah. Jèn loemampah tek-sih sadjak senggogoran, mènglèng mènglèng kalijan ngemoet dridji, sadjakipoen boten mreodoeli ombjak-ing arak-arakan babar pisan. Menawi pinodjoe mènggok, bingoeng, tingak-tingoek noli kantjanipoen, oetawi mènggo ngingetaken soesteripoen, kalijan mèndjep-mèndjep, lambé dipoenggaber-gaberaken, tangran grajahan pados gandengan . . . .

Sawingkingipoen lare-laré alit waoe kasamboeng pepantaning laré djaler, mawi djoebah abrit lan kroset petak kadosdéné djoeroe ladi, sami manggoel padoean djenénan inggang agengipoen sapangaron.

Sawingkinging padoean para frater, adjedjoebah tjemeng soklat gosong, sekapoelir pandjang noenggil warni, arimong petak wijar apandjang ngantos doemoegi tjingklak, kaloeroeban rimong alit, moebeng, ing ngadjeng doemoegi ngandap dada, pinggirang boender malengkoeng; ing wingking mèh doemoegi tjetik, ing tengah gatoekipoen semoe lantjip. Rimong alit waoe ing nginggil leres kaloewenging djangga wonten kopjahipoen, kadjeplakaken dawah ing geger, ing wingking poetjoeking kopjah lantjip, pinggirangipoen ngaloeweng ing sangandap gitok, moebeng ndjepiping toemoempang poendak kiwa tengen, doemoegi ngadjeng mbalik katingal rangkepang kopjah ingkang nglebet, warni tjemeng kados djoebahipoen; doemoegi ngandap tenggok gatoekipoen malengkoeng ngiwa lan manengen. Lampahing para frater, djadjar kalih oeroet sepoeh, pating kendoejoek; rimong katjoepp ing angin soemilak pijak ing ngadjeng. Ing wingking pijambak wonten frateripoen ingkang mandjila ing warni: ramboet tjemeng, pakoelitan nem-baga. Tetijang ingkang sami ningali sami pating klesik ngelokaken: O galo, ana frateré Tjina! Kantjanipoen mangsoeli: Doedoe Tjina, Neger. Wonten tijang Jahoeidi ningali, soemerep frater waoe, anggènipoen ngelokaken: Lo, ana wongé Indoe! Samanten frateripoen kok inggih kendel kémawon, ning èmperipoen genah radi gemrobjos sakedik, roemaos dados „tontonan.”

Minangka poengkasaning arak-arakan: Sakramèn Maha Soetji, sinongsongan baldekijn soetra rinénda, mawi langé bloedroe moebeng.

Déné poesaka Rah Dalem papanipoen wonten sangadjenging pepantaning malaekat; dipoendjadjari pradjoeirit ing djamani tengahan, amanganggé sarwi abrit, kotang tjemeng, rai dipoengintjoe, mbaranang ngadjirih. Sadaja sami mandidamel: kampak, tjis, toembak. Pradjoeirit poenika tjarijosipoen roemijin para warganing pakempalan Rah Dalem (1499).

Ing wasana prakawis padjangan toeroet margi, gapoera, gendéra, sesekaran lss. para maos koela atoeri nggambar pijambak wonten telenging panjipta. Gapoeranipoen temtoe kémawon sanès deling, awit nagari Welandi boten wonten, ananging kadjeng. Rehning marginipoen boten patos wijar, jèn wonten montor sli-ringan kadoegi trep kémawon, mangka grija-grija sapinggiring margi èpèt-èpètan tanpa elet, dados dipoen-padjang gampil toer saé.

Badé kasambet.

PRADJA RAHAJOE.

PASAR MALEM.

De Koerier. no. 95, martosaken bilih Bestuur ing Ngajogjakarta mangsoelaken panjoewoenanipoen bangsa Tjina anggènipoen badé ngedegaken pasar malem béndjing woelan September ngadjeng poenika. Wontenipoen Bestuur mangsoelaken panedanipoen bangsa Tionghoa waoe, kabekta negari menggahing kawontenanipoen economie kawoela ing Ngajodja. Beleid-ipoen Pangrèh ingkang kados makaten poenika dadosa toeladanipoen para Pangrèh sanèsipoen.

Economie-nipoen sadèrèk Djawi, kawijaraken malih sadèrèk Indonésijah, ringkih. Menggah djalaranipoen boten margi saking pasar malam, margi sanès-sanèsipoen oegi katah.

Kapasang jogi sanget déné Bestuur Ngajogja karsa mboektèkaken bilih pasar malem oegi ndjalaraken, mlaratakan kawoela; manawi tijang boten gadah arta margi kaperloean pasar malem, tijang waoe boten mawi rikoe lingsem, nggantosaken barang darbèkipoen, déné manawi sampoen boten gadah barang gantos-an — ingkang padjeng kagantos-aken — ladjeng poeroen nabrak pados samboetan, ingkang ndjalari saja rendèl samboetanipoen. Mila boten lepat ingkang sami mestani bilih sadèrèk Djawi, manawi sampoen ketjoeper ing lobang, wegah mentas — lobang njamboet sagélo anak-anipoen sagobang. — Katjempoeng ing lobang dèrèng roemaos klitjij, ladjeng tékadipoen ndawah ing lotèng pindah. Jèn sampoen dawah wonten ing lotèng awang-awangen mandap — lotèng njamboet sagélo saremanipoen karotèng. —

Para sadèrèk, ingkang ahli koran oetawi ahli saba setatsijoen, ing saben taoenipoen temtoe mranggoeli advertentie oetawi reclame „bezoek de pasar malem, de jaarbeurs ing Anoe,” boten trimah kaping satoenggal lan sapanggénan.

Mangga koela atoeri niti saking Anjer mangétan doemoegi Banjoewangi, temtoe djedjel katradjang pasar malem. Noewoen — noewoen déné koela boten saged ngatoeraken statistik — ipoen arta — arta ingkang loemebet ing pasar malem kanggé ing sa-Indonésijah, djer koela sanès golongan Statisticus. Kelerasan poenika wonten tjoeplikani Jaarbeurs ing Bandoeng.

Taoen	penonton	danggoe-ipoen	karajak sadinten	total der ont-gemiddeld per dag
1927	195.675	20 dinten	9.764	f 53.197,78
1928	189.166	16	11.823	f 55.183,95
1929	226.227	16	14.119	f 65.413,40
1930	136.061	12	11.339	f 40.243,85
				f 3.353,65

Tjatjah taoen 1930 poenika kapé-tang doemoegi 2 Juli 1930. Mangka de XI jaarbeurs Bandoeng poenika 21 Juni t/m 6 Juli 1930. Mangga sampoen pinten ewoe roepijah ing dalem 11 ambalam.

Wekdal samangké pasar malem Semarang saweg moelai, pasar



DADOSA PENGALIHAN.

Sareng koela maos artikel ing Swara-Tama no. 28 tanggal 11 Juli 1930, koela ngalembana sanget dateng noot-ipoen rama Redacteur, katijina inggiling penggalihanipoen, djer pandjenenganipoen dèrèng karsa netepaken poendi ingkang lepat, ngoegemi oengeling bebasan: sing bejlik ketitik, sing ala ketara, poenika leres sanget.

Menggahing woeroekipoen para sardjana awon oetawi saéning kenjataan poenika dèrèng tjekap jèn namoeng ngoegemi ginem kémawon, awit katah tijang saged gineman kados ija-ijaa, nanging ginemipoen boten tjotjog kalijan kenjataan; malah tijang ingkang saja katah kawroeh-ipoen oepami badé nindakaken sedyanipoen ingkang pantjèn nalisir saking kenjataan, saged boten ngetawisi, krana saking baodé ngikal bananipoen. Nanging toemrap tijang ingkang sampoen katah sarempipoen, liripoen sampoen dangoe ngraosaken sarem, jèn badé ngoegemi gineming sanès, sedangoenipoen mirengaken ginem ingkang apait maben oepaminipoen, temtoe mawas dateng patrap toewin klèdjemipoen ingkang gineman.

Koela bijantoe dateng ngendikanipoen rama Redacteur mangajoe bagja kekahing lan adjengipoen persatoean. Temboeng persatoean poenika rak saking temboeng satoe, wigatosipoen noenggil sedy. Lah jèn lid-lidipoen sami tjitjengilan, poenapa matoek temboeng persatoean wonten ing ngrikoe? Saweg tijang ingkang tanpa kawroeh kémawon rak ngertos?

Nalika P.G.H.B. afd. Banjoemas ngawontenaken pepanggihan tanggal 24 Juni 1930, mitoeroet oelemipoen: speciaal kanggé sed. saking N.S. kalijh K.S.; koela inggih dateng; mireng ginemipoen sedèrèk Soerawidagda wonten émpiripoen kalijan orèhan ingkang kamot ing Sw.Tm. no. 23 tg. 6 Juni 1930. Kala semanten dèrèng wonten ingkang ngakeni poendi ingkang lepat; sedaja ngakeni leresipoen pijambak, ladjeng pauze.

Bakda pauze Voorzitter tjabang kaseboet, maos motie kados ingkang kamot ing Swara-Tama no. 28. Nitik saking sesorahipoen N.S.ers dèrèng sami moepakat dateng motie poenika, malah N.S.ers njowoen soepados actienipoen sami kaban-toea, déné ingkang boten moepakat soepados anglairna, nanging kala semanten boten wonten swanten; pramila N.S.ers gadah pengadjeng-adjeng bilih panedanipoen dateng pepanggihan ing rikoe badé k arembag. (Moepakat oetawi botenipoen).

Voorzitter nerangaken jèn P. G. H.B. boten saged nanggél, nanging pertemoean saged.

Saking pengraos koela sarèhné P.G.H.B. Banjoemas ngakeni awatak bapa, sampoen samestiniipoen jèn bapa pradah nanggél roewet rentenging anak-anakipoen, wadjib saged nanggél klajan adil, paring leleresan dateng anak-anakipoen ingkang sami tjongkrah amrih saé roekoen lan wilodènjengipoen; poen anak ingkang pantjèn lepat wadjib mbangoen toeroet dateng leleresaning bapa ingkang dedasar kaadilan toewin katresnan.

Prakawis anggénipoen boten nanggél waoe saking ngendikanipoen, amargi dèrèng karembag. Lah sadèrèngipoen ingkang karembag poenapa namoeng sabagéan? Mangka ingkang tampi oelem nemitokaken, bilih ingkang ngawontenaken paretan dadag sampoen sedija sedaja pakéwet-éweting rembag, awitwonten ing serat oelem boten katjetakaken bab-bab poenapa ingkang badé karembag, namoeng kasebataken pepanggihan N.S.ers kalijan K.S.ers.

Voorzitter nerangaken lan mrajo-gékaken P.G.H.B. katoetoe roemijin, mangké ladjeng ngrembag paneda-

nipoen N.S.ers. Nalika poenika ing pepanggihan ngrikoe sasoemerep koela boten wonten drijdi ketingal ngatjoeng oetawi soewanten kami-reng, ingkang njolajani pangandikanipoen t. Voorzitter. Dados tetéla sedaja moepakat . . . . . Hamer doemawah ing méjja tok djam 2,30.

Sanalika (dèrèng ngantos kabikak) tanpa sebawa samingéndrani tjabar tanpa krana, njat sami djoemeneng késah tanpa . . . . .

Sinten ingkang teksih sami tengoe? pating plenggong wonten ing koersi? inggih namoeng N.S.ers 17. Pantjènipoen koela boten wentala nglairaken kawontenan ingkang koela sipati mawi mripat koela kalih mekaten poenika; nanging sarèhné ing Swara Tama kersanipoen rama Redacteur mligi ngemot pekabaran ingkang njata, pramila koela kepeksa medaraken poenapa wontenipoen, soepados dadosa penggalihanipoen para maos.

Pengadjeng-adjeng koela moegi-moegi persatoean kita wonten eenheid ingkang sanjata (troes ing manah); kirang prajogi jèn namoeng tjitjengilan, jèn keladjeng mekaten saèstoe boten badé wonten kemadjenganipoen.

Sokoer bilih wonten ingkang kersa ngadani ndandosi pasaelajan poenika amrih kekahing persatoean kita.

Koela Saleresipoen.

50 TAOENAN.

Kala tg. 27-7-'30 para goeroe ing bawah Ond. Dist. Grabag sami kempalan wonten ing Ile klas school Grabag. Pakempalan kabikak wiwit dj. 9 éndjing — 12. Panoetoe-ning pakempalan pandjenenganipoen Hr. mantri goeroe Ile klas sch. Grabag. Ingkang dateng goeroe 20 saking 8 sekolah, inggih poenika: Ile klas sch. Grabag, Volks. Redjasari, Banjoesari, Tirta, Kajoepoering, (Poerwaganda, Tjitrana gadahanipoen Missie), Losari. Pagoenan boten saged dateng margi alangan.

Inkang karembag anggénipoen badé moeljakaken 50 taoen dalem Kangdjeng Sri Maharadja Poetri Wilhelmina mbéndjing tanggal 31 Agustus. Moerid-moerid saking pamoelangan kasbat badé kasening-seningaken srana badé kaarak dateng kawedanan béndjing tg. 2 September.

Sampoen katamtokaken bilih setoenggal-setoenggaling sekolah doesoen jèn toemot arakaran kedah mbajar f 10 dateng comité. \*)

Dapoekanipoen ingkang karembag 1. Lampah-lampahipoen; 2. Rerangkén (oebarampé); 3. Teda; 4. Pendiagen poltie. Rembag no. 1. Laré saking satoenggal-satoenggaling pamoelangan kedah ngelompok roemijin dateng Ile sch. Grabag. Djam 8 kedah sampoen dateng.

Nanging Losari moeroegaken dangoe angénipoen rembag. Djalaran poenika tebih pijambak. Tijang lampahan 2 djam saking Grabag. Mula poetoesaning rembag. Losari badé kaebusaken. Wragadipoen kasanggi sedaja kanta goeroe. Tjajahing moerid 125, dados bus pinten? Ongkosipoen pinten? Ingkang dèrèng poetoes rembagipoen bab 3 (Teda). Ananging ing ngriki koela boten badé ndjèrèng rembag sedaja.

Béndjing dawahing arak-arakan para goeroe kapoerih manganggi diens (sikepan tjemeng, kerisan). Poedji koela moegi-moegi, béndjing seneng saèstoe para moerid ing sekolah kasbat nginggil. Wohipoen moegi saja nenarika senenging laré ndjawi dateng sekolah lan sregepiipoen para moerid mlebet sinaoe.

Goeroe doesoen Poerwaganda S.

CONGREGATIE W. K. AFD. SOERAKARTA.

Koela mireng kabar saking parwatos W. K. ingkang kapoerih propaganda pados warga kanggé Maria Congregatie afd. Wanita ing Soerakarta, bilih nitik glagad-glagaipoen (samanten waoe jèn boten wonten ama—HARAS—HARASEN WEGAH lsp.) saged maked; djalaran saged angsal warga njekapi, apes kados pamoendoetipoen Rama Directeur!

Jèn pakabaran ing nginggil waoe saged kalampahan, Pf. koela, koela atoeraken dateng pangrèhing W. K. kaseboet nginggil, makaten oegi boten kasoepon dateng para promotoresenipoen!

Kadang Katholiek wanita—inggih poenika salah satoenggiling wohing pakarjan pandjenengan ingkang loehoer lan moelja sanget!

Moegi kaboela! (Trenggana).

concoure enz.

Sapisan malih, para Bestuur karsaa naliti pirs kados - poend economie - nipoen ingkang abdi sampoen nggampilaken indaking lebeting paos vermakkelijkheden.

SOEKATJA.

VARIA. POENAPA BOTEN PRAJOGI BÉNDJING MALIH DIPOENTJATETI?

Wiwit djaman kina mila, pantjèn sampoen dados djamakipoen, jèn menoengsa mekaten temtoe kedoe-noengan watak soepènan. Nanging dangoe oetawi énggaling soepé toemrap setoenggal-toenggaling tijang, boten sami. Wonten ingkang gampil lan énggal sanget, lan wonten sawenèh ingkang angèl lan dangoe soepènipoen.

Mekaten waoe namoeng goeman-toeng dateng anèm sepoehing tijang, katah sekediking pendamelan, oetawi malih pantjèn sampoen dasaripoen.

Poenapa gampil kesoepon mekaten prajogi? Menawi namoeng toemrapi barang sepelè boten badé dados baja poenapa-poenapa. Nanging toemrapi prekawis ingkang perloe oetawi kaanggep perloe, alitipoen tentoe badé saged damel tjoewa lan mangkel; agengipoen saged ndatengaken tjilaka.

Kadosta:

Mentas poenika poen panjerat wiwit toemapak njamboet damel ingkang sepisanan wonten ing tanah Goepmènan. Ing sarèhning sampoen dipoentjrijosi déning kantja katah, jèn badé toemapak njamboet damel ingkang sepisanan mekaten wadjibipoen kedah ngadep dateng Kabopatèn (pangarsaning school-commissie) lan Kawedanan Poerw. (panitrang schoolcommissie) roemijin. Dados inggih ladjeng kapeksa énggal-énggalan merlokaken ngadep.

VAN LITH-STICHTING.

SINTEN ingkang dèrèng dados warga V. L. S. énggal koela atoeri LOEMEBET.

Pangrèh V. L. S. PASTORIE MOENTILAN N. I. S.

Wonten ngrikoe pandjenenganipoen karsa manggihi. Sanget matoer noewoen!!!

Ananging moegi kawoeningana. Let sawatawis dinten mireng kabar jèn wonten pendangan saking Kawedanan: *Apa sebabé goeroe anjar wis sawatara dina wiwit toemapak njamboet gawé teka ora gelem ngadep mréné?*

Wadoeh hem! Mak deg raosing manah. Tijang sampoen ngadep lan pandjenenganipoen inggih karsa manggihi, teka saged kesoepon.

Poen panjerat sampoen pitados jèn pendamelan ingkang kaasta pandjenenganipoen poenika, katah sanget, boten ngemoengaken prekawis poenika waoe kémawon. Dados jèn boten dipoentjateti (kaserat), tentoe badé gampil soepènipoen.

Inggih ta, jèn namoeng ngendika kados ing nginggil waoe, boten dados baja poenapa-poenapai. Nanging jèn ngantos ngendika: *"Wong ora ngerti tata lan ora ngerti wadjib."*

Wadoeh gèk kados poenapa wirang koela. Langkoeng - langkoeng ing ngrikoe wonten abdi lan poeng-gawa katah, dados boten sandé temtoe pengendika waoe saged soemabar dateng poedi-poendi pang-gènan.

Kang mangka kanggé koela poenika tijang R. K. Dados jèn kelantoe-lantoe, saged oegi soemrambah toemandoek dateng kita tijang R. K. sadaja: *"Jèn wong R. K. ikoe ora ngerti tata; lan . . . !!"*

Mekaten poenika gampil sanget kelampahan, mergi saking kelantoe-ning basanipoen tijang katah.

Jèn mekaten, poenapa boten langkoeng prajogi, béndjing malih jèn mentas wonten goeroe énggal oetawi poenggawa sanèsipoen ingkang sowan, teroes dipoentjateti? Soepados boten saged gampil soepènipoen.

Inkang dados goemoening manah koela, déné poenggawa ingkang ngatoeraken nalika sowan koela, teka boten karsa matoer. Hem!!

Poenapa inggih kesoepon, noen!!!

POESPITA MANTJA WARNA.

MADJENG TENAN??

Manawi njawang mrika-mriki, ombjaking djaman sapoenika, mèh angger panggènan ngrembag adjeng-ing onderwijs.

Noewoen; noen inggih nitik gelar, sapoenika sampoen wonten pamoelangan maroe-pi-roepi wonten ing madyaning tanah kita. Ngantos ing doesoen ngadoesoen, paredèn, inggih wonten, boten kados djaman nalika koela taksih koentjoeng, namoeng ing kita-kita oetawi kadistric-an kémawon.

Kados-poendi menggahing sadèrèk kita kaom tani (doesoen) poenapa sampoen dojan oetawi ngretos tenan. Saprika-sapriki sampoen lami sanget.

Manawi nitik sagebjaran pantjèn sampoen nama madjeng, nanging sareng dipoenprocent, teka namoeng 3 1/2%. (manoe Persatoean Goeroe nr: 3-4, Febr. 1930). Sabab, poenapa boten wonten leerplicht?

Lan malih saking katahing pamoelangan doesoen, satoenggal kalih pamoelangan openbaar kl. II. (volledige school) sok kakirangan moerid (lebetan) kanggé pangkat I. Poenapa malih pamoelangan opnb. kl. II. ingkang dipoenkepoeng sekolahan doesoen lan pondok. Angsala moerid énggal inggih sarana rekaos. Pilih poendi. Saperangan mesti milih sekolahan doesoen, awit roemasipoen boten bajar. (Prakawis bajar lan boten ing satoengaling panggènan boten mesti oetawi boten sami.) Nadyan ing sek. opnb. wonten pranatan Gratis. Sabab poenapa. Awit tijang poenika roepi-roepi, wonten ingkang éman-éman, soetik, dèrèng ngretos oetawi pantjèn wegah, arep olèh soetik kelangan. Terkadang wonten ingkang koemetjap, poeroen njakolahaken angger boten bajar oetawi namoeng sakedik pambajariipoen. Inggih nadyan boten katah ingkang kados makaten; bajaran sekolah dipoenawis. Toer kading kala sasawanganipoen kadoegi oetawi tjekap.

Tandanipoen poenapa. Wonten satoenggiling sekolahan opnb. sampoen 13 taoen laminipoen, (madegipoen) la tyang ingkang goemantos Kepala kémawon mèh 8 taoen kok. Poenika angger dong bikakan bakda liboer ageng angèl angsalipoen tjalon moerid pangkat I. Sampoen binantoe (saben-saben) dateng ingkang Wadana, manawi noen inggih ngrending.

Datengipoen tjalon moerid waoe awis ingkang dipoenteraken tijang sepoehipoen. Mèh sadaja srana dipoengiring Loerah oetawi prabot doesoen. Malah wonten satoenggal kalih, ingkang anakipoen sampoen sekolah 2 a 3 dinten (sapeken) tijang sepoehipoen boten soemerep. Ladjeng dadakan nemoeng anakipoen dipoenteda medal. Jèn dipoenoendang awis ingkang poeroen dateng. Dipoendatengi sok boten pinanggih djalaran saweg pados kasil.

Malah asring dados ngingkrak-ingkrak. Ah, éwoeh aja tandangé. Wonten malih ingkang saweg 1 dinten sampoen mogok, nadyan dipoent terang-terangaken, ngantos damel riboeting goeroe, meksa mogok.

Wonten malih ingkang pantjèn saged bajar (manoe katerangan saking loerahipoen) nanging sareng katarik, wangsoelanipoen, noewoen kémawon, jèn kapoerih bajar boten koela sakolahaken. Hm, semanten angèlipoen wonten doesoen. Andèk poena sok dipoenpaiben.

Sadaja laré gratis sampoen manoe wawasaniipoen Kepala doesoen, djalaran poenika ingkang djan mesti soemerep tenan. (Kadjawi ingkang kanjataken.)

Sampoen naté klampah nalika wonten dawoeh indaking bajaran sakolah mèh dados gendra (Tjara sapoenikanipoen mèh badé staking)

ngantos dados damelipoen ingkang Wadana. Taoen pinten kesoepon, lan ingkang Wadana poenika sampoen pindah lami.

Nadyan saged angsal moerid kl. I. tjekap, srana bantoean, éwa déné boten saged compleet 4 a 5 dintenan. AAAH, melas timen ta kang karija.

Poenapa kramèjan oetawi feesta poenika saged dados oempan oetawi poeloet. Boten mesti.

Saking pikadjengipoen Kepala énggal badé damel ramé-ramé sawatawis, srana oeroenan. Nanging kan-tjanipoen, ingkang sampoen lami wonten ingrikoe sami ngampah (menggak) akanti nerangaken jèn sampoen klampah makaten malah dados tjomèl, lan rèwèl, (Goeroe-goeroe lami sampoen pindah sadaja.)

Ladjeng goeroe-goeroe ngriki sajijeg njenengaken sawatawis, tanpa angsal soembang soeroeng, mligi sami ngrogoh kantongipoen pijambak, sami ngolah lan toetoembas pijambak-pijambak. Laré inggih katingal seneng, lo nadyan tjlimèn, katawis, marem. Kadadosanipoen! Mak regedeg, mèh-mèh goeroe dipoenlong 1. (Manoe pétanganing moerid).

Let sawatawis taoen malih, goeroe énggal sami ngajati malih damel bodjana kados waoe wewah Gramaphoon, éwasemanten, satali = 5 kelip, djas boekak iket blangkon, sami mawon. Malih, malih inggih! oegi makaten wewah dubbel Gramaphoon. (Goeroe ngriki sapoenika ingkang gadah Gramaphoon 2, model roepi 2). Toer wonten gendingipoen Arab bireng. Naaanging bo, boten maremaken manah, mandar inggih mangga kabatang pijambak.

Satoenggal engkas inggih? Nalika moeljakaken dinten wijosan dalem S. B. M. R. POETRI, ing Ned. taoen kapengker, awit boten angsal soembang soeroeng, laré kapoerih oeroenan kagebag ratjak a 2 ketip poenapa pinten. Éwasemanten boten medal sedaja, toer wonten ingkang . . . . , lan wonten ingkang dadakan neda me--dal, inggih leres boten katah, nanging damel kagèt. Ing mangka anggénè nariki boten mlinder, dasar namoeng kala mangsa. Oeba rampé sampoen naté klebet ing Sw-Tm.

Ing atasipoen 2 ketip sapangandap, nanging pantes lan saged kabrekak. Dipoenréntjangi tabel. Goeroe sanèsipoen boten katarik oeroenan déning ki. Dados ing taoen poenika ambal ping 2. Nanging kok inggih poenten kémawon, ingkang medal tjekapan kémawon. Mula saking wasan koela, rehning taksih kados makaten, jèn boten wonten pitoe-loenganipoen prijantoe B.B. Loerahiripoen ing rikoe inggih rakaos sanget. Panjerat sanget ngaosi dateng kangèlan saha bantoean lan pitoe-loenganipoen ingkang Wedana. Wadjib dipoentjaosi panoeoen.

Makaten oegi para kepalaning doesoen, sampoen katlompèn, moegi sami toemoeta angadjengaken laré dateng sakolah, awit kapala doesoen poenika minangka bapa baboenipoen tijang sadoesoen saanak poetoenipoen. Lan wadjib ngarah tata tentrem rahajoening momonganipoen sadaja, sampoen ngantos dados paran toetoehan.

Goeroe lan kapala doesoen inggih sageda sambet padamelan babagan boetoehing sakolah. Awit goeroe inggih babaoening Nagari kapala doesoen semanten oegi. Dados jèn dipoentadani toeloeng sampoen ngré-mèhaken lan ngraos kados déné dipoenrèh oetawi dipoenpréntah. Jèn klampah makaten, saged sakétja lampahipoen, lan ngèngetana poenika waoe, jèn, kapala doesoen wadjib ngangkah moeljaning momonganipoen. Titi. PHONOGRAM.

GORRESPONDENTIE.

S. S. Dh. Adrès S. K.: P.P.K.D. -kantoor Koemendaman Jogjakarta: karangan sanèsipoen poensratosaken.

A. J. S. Timorran: prajogi. Abn. no. 555 sampoen leres: kwartaal 2 lan 3 dèrèng.

Jatna Rahardja Bodjonegoro. Tata-krama salebeting journalistiek boten ngèngingaken kita matjak karangan pandjenengan ingkang asisrah "Roedjak woh loenden." Karangan makaten poenika kedah kakintoenaken dateng redactioning serat kabar ingkang ngewrat karangan ingkang pandjenengan sawoé. Andadosna kawoeningani!

gambir saweg tata-tata. Pasar malem Tegal, Koedoes etc., sampoen kapengker. Sekatèn Djocja, Solo oegi sampoen moengel. Tjekak aos, manawi para statisticus karsa damel statistik ing sa Indonésijah, pinten arta ingkang kampoeng toemandja dateng bangsanipoen ropan-ropan pasar malem, ing dalem satoe-taoenipoen, mangké rak ladjeng soemerep, lan nggetoeni sapinten kroweking kantong Indonésijah.

Ramé rembagipoen para djempolan lan djentik-djentik, inggih wonten ing pakempalan lan ing serat kabar, bilih para Indonésijah manawi badé nggajoe kamardikaning Indonésijah inggih kedah ndandosi economie. Kados-poendi anggénipoen sami badé ndandosi economie, manawi boten hijeg sajok sabijantoe, ageng alit, inggil andap sami rekse-rineksa. Ingkang alit inggih kedah ndjagi economie-nipoen

pijambak, déné Negari inggih kedah ngajomi lan soeka pitoeoloengan sarta toelada. Kados-poendi toemindakipoen kita orang soemarah.

Bestuur Ngajodja djempot malih, déné mangsoelaken panjoewoenanipoen Harmston's Circus badé main wonten kita ngrikoe. De Koerier ngantos mastani "rechtvaardig en billijk" anggénipoen nampik pasar malem lan circus.

Koela kapeksa ngeloes dada, ngingoek dateng Bestuur sanès papan—kita, regentschap—anggénipoen gampil ngidini wontenipoen tijang pasang karamèjan ketoprak, ringgit tijang, abang idjo etc. Mangka manawi padjeng kok malah njowoen idin indakan (verlengd), djoeroe ngoepados arta, anggénipoen badé ngeroek akalipoen wonten kémawon, sarana lotré, prijs,

\*) ?? Red.



KABAR KATHOLIEK.

Kanggé Missie.

Pandjenenganipoen Zuster Franciscanessen J. M. Keizers lan M. Lodewijks, kala 2 Agoestoos mantjal palaboehan Den Haag, tindak dateng Missie Borneo.

Pastoer H. Hart, pandjenenganipoen t. Bedaux de Jong bédjng tanggal 15 Septèmber inggih tindak dateng Indonesia, sarta tjalon makarja wonten Nieuw-Guinea. Noenggil wekdal kalijan tindakipoen P. de Jong waoe, pandjenenganipoen P. van Opstel lan Lemmens inggih nilar nagari Walandi, makarja wonten Missie Celebes. Semanten oegi pandjenenganipoen P. van Pers lan Damman, tjalon makarja kanggé Missie Djawi Tengah.

Pangageman Mis Soetji tjéngkok Djawi.

Ngahad 27 Juli, ing Grédja S. Pétroes lan Marsélinoes ing Geleen (Nederland) wonten Imam Djawi ngadoedjaken Mis, i.p. pandjenenganipoen P. Djajasepoetra, Soekiman lan Soegija. Pangagemanipoen Imam dalah panganggéning djoeroe lados Mis Soetji, ing salebeting Mis Soetji waoe, mawi tjéngkok Djawi. Ingkang ndamel pakempalan-andondomi-kanggé Missie ing Geleen. Modèlipoen pangageman ingkang ndamel Rama tetiga waoe.

Pangageman waoe, tanggal 15—17 Agoestoos dipoenpitontonaken. (Koerier).

Pangoeja-oeja Agami, ing Tiongkok.

Imam Sarékat Jésoes kekalih, bangsa Sepanyol, ing kita Hochan (prov. Anhwei), kalanipoen kita waoe katjépeng mengsah, sami saged ngoengsi dateng paredèn. Ngan-

tos tigang minggoe anggènipoen madosi Imam waoe. Sareng kepanggih, dipoentawan lan neda teboesan 50.000 dollar.

Ing prov. Honan, mentas wonten Imam warga Konggregasi van Steijl asma Clifford King, dipoentawan bégal. Pater King poenika ingkang jasa satoenggiling pakempalanipoen para moeda ingkang taksih sakolah ing Amerika, kanggé perloening Missie. Pakempalan poenika waoe sampoen gadah warga 400.000. Margi wontening pakempalan poenika, kakah sanget tijang saged ingkang anggatosaken Missie. (Koerier).

Moerid Jezuïet.

Oetoosan Mesir wonten London tetiga, Sesostis Sidarius Bey, Mohamad Fakhry lan Sadek Wahba Pascha, sadaja tijang Islam, poenika waoenipoen wedalan sakolahan kagoenganipoen Pastoer Sarékat Jésoes. Prakawis poenika kasoemerepanipoen ing ngakatah anjarengi kala ing Kairo wonten papanggihanipoen para tilas moeridipoen Imam Jezuïet ingkang dipoendatengi tijang 300.

Semanten oegi opperceremonie-meester-ipoen sang praboe, inggih wedalan sakolahanipoen Imam Jezuïet. (Koerier).

Badé dados Meester in de Rechten.

Koela mireng pawartos ingkang sanget kénging dipoendandèl (—santengah opisijil—), manawi tanpa alangan, pakempalan kita Van Lith Stichting badé angragadi sadèrèk Kasiman ingkang nedya anggafoeh seseboetan Meester in de Rechten, wonten nagari Wlandi. Koela toemoet moemoedji kasembadanipoen.

KABAR OEMOEM  
INDONESIA

SAKING MAGELANG.

Margi main.

Kala Siasa 29-7 ing Grabag bawah Magelang, wonten Tjina nglélangaken grija sapémahanipoen. Ragadipoen damel grija roemijin kabariipoen telas f8000. Tjina waoe gadah motor bus merk ADAM \*) oegi kalélangaken. Kabariipoen samiangké Tjina waoe ladjeng toemoet sadèrèkkipoen. Kawan woelan kapengker pijambakipoen gadah pabrik mertjion wonten ing Grabag. Ananging bandanipoen sadaja waoe sapoenika sampoen oetjoel saking tanganipoen sadaja. Kawartos Tjina waoe mentas kawon main ing soos Ngajodja sepisan, soos Semarang ping 2. Kadoegi jatranipoen ang-sal-angsalaning nglélangaken kanggé ngetopi kawonipoen.

Poendi saénipoen main?

\*) Djalan Grabag — Magelang.

Ambédakaken loerah lan tjarik.

Nalika Mei koela ketamoean satoenggiling tjarik doesoan ing Giri bawah Ass. Wed. Tjakra bawah Kawedanan Grabag Magelang, omong dateng koela woosipoen badé neda woeroek basa Walandi dateng koela. Réhning koela boten saged, inggih kakah-katah santolan koela. Pijambakipoen nerangaken sebab poenapa kok badé neda woelang dateng tijang ingkang grijanipoen tebih; mangka ing Tjakra wonten satoenggiling prijantoe toer loerahipoen (ingkang mbawahaken) moelang basa Walandi.

Sinten poenika?

Saking tjarijosipoen, B. Ass. Wd. waoe ngwontenaken cursus basa Walandi ingkang dados moeridipoen para loerah doesoan ing bawahipoen. Para tjarik doesoan boten kapareng ndèrèk.

Lah, poenika poenapa sababipoen? Saking pangraos koela tjarik doesoan inggih betah ngretos boten kétang sakedik dateng basa waoe. Malah manggah sami déné saged tjara Walandi, Loerah kalijan tjarik, rak kakah goenanipoen mas tjarik. Djalaran ingkang nggarap bab serat-serat poenika rak mas tjarik, déné mas loerah. Poenapa boten prajogi jèn sadaja sami mangertosipoen.

Loerah gadah wekdal, tjarik boten tosipoen.

Jèn lenggahipoen loerah langkoeng kakah kok padamelanipoen langkoeng sakedik, poenapa boten prajogi jèn lintonan lenggah?

Ing wasana manawi sapoenika sampoen boten ngaten, koela njoe-woen pangaksama dateng ingkang kataman. Malah pamoedji koela soekoer-soekoer jèn sampoen éwah. poen S. S. Dh.

All Indonesia Congres.

Ing Djakarta, bédjng 25, 26, 27, 28 December '30, badé wonten All

sakolahé anaké." Poenika manawi dipoenéwahi kapoerih mbajar, panampinipoen tetijang ladjeng namoeng badé ngimbeti awrating pikoelanipoen. Mangka sadèrèk ingkang njakolahaken anakipoen dateng pamoelangan kakalih poenika waoe, limrahipoen golongan tijang boten gadah kasagedan. Dados boten saged mikir inggil-inggil: marga ana krisis goela lss; ngertosipoen: „poendakkoe abot; . . . . Negara soegih!” Mila, pangadjeng -adjeng koela, sampoen ngantos dipoenladjengaken angoesoelaken prakawis kaseboet. Setoen sapoenika Departement oesoel: „botjah-botjah H. I. S. sasi Pasa ora soesah mbajar,” poenika koela matoek sanget. Nanging, . . . atoe koela poenika atoeipoen tijang ngilndoe; boten badé kalampah wonten oesoel saking awak-awaking nagari: „sasi Pasa botjah H. I. S. ora soesah mbajar.” . . . . . O. bezuining, kok lé awas temen! (Red).

Sinaoe dateng Nederland.

R. Sidharta Poespawardaja poetra pensjoenan goeroe H. I. S. ing Oengaran, mentas wedalan A.M.S. Solo, mentas bidal dateng nagari Walandi preloe sinaoe prakawis ngélmoe pangadilan. (Bahagia).

Prakawis nonah Beckering.

Pandjenengan taksih sami kengetan lelampahan sawatawis woelan kapengker nonah Walandi anama Beckering Betawi, nedya dipoenrah njawanipoen déning satoenggiling doerdjana wonten hotel. Nembé poenika tijang Makasar ingkang kadakwa, anama Karim, kapriksa prakawisipoen, sarta katetepaken kalepatan, kadawahan oekoem boewi 15 taen. Karim apèl,

Pikantoe hoofdacte.

B. Hoetasoet, laré Batak, roemijin wedalan Kw. S. Goenoeng Sari Weltevreden, nembé „pikantoe hoofdacte wonten Nederland.

Para G. G. ing Indonesia.

Tetijang sapoenika sampoen kénging ningali gambar-gambaripoen sadaja G. G. ingkang neda ambawahaken Indonesia. Gambar-gambaripoen waoe doemoenoeng wonten Kadatan Rijswijk 16, Betawi. Manawi ningali tanpa bajaran.

R. H. S.

R. Soedarsana, lan Soedarna, Rechtschoogeschool, katarimah ikamenipoen doctoraal-examen pérangan kapisan.

Dokar tanpa kapal.

Margi kerep wonten lelampahan tijang kasoendoek boeming dokar, gemeente Soerabaja anetepaken modéling boom dokar. Malah boten namoeng mandeg samanten. Manoet *Srbj. Hdbi.* insinjoer H. Schalk mentas andjadjal dokar tanpa kapal. Boeming dokar dipoenitjili, kapalipoen dipoen-gantos motor D. K. W. mawi roda satoenggal, dados dokaripoen waoe aroda tiga. Motor waoe rikar-rikatipoen saged 20 K. M. saedjam, rindik-rindikipoen sami kalijan rikating lampahipoen tijang. Bènsin ingkang kanggé dokar modél énggal waoe, irit sanget. Kanggé mlampah tebihipoen 33 K. M. namoeng nelasaken lisah 1 L.

Toempakan modél énggal waoe oegi badé kapamèraken pangreh gemeente . . . . (Tjalon mesakaken kanta tijang ingkang gadah dokar).

Manawi baita perang botjor, . . .

Baita perang *Sumatra*, nalika loemampah mantoek dateng Soerabaja saking anggènipoen katjobi lampahipoen, wonten Panaroekan, botjor kaprenah ing margi lisah, ngantos kobongan sakedik. Mesti kémawon Nagari tjalon ngedalaken arta kanggé andandosi. Gandèng kalijan prakawis poenika, sasampoenipoen ngoemoekaken kaloehoeranipoen bangsa Walandi margi saganten, *Snipperaar* ing s.k. *Mid-den Java*, kadjawi sanès-sanès tjarijos makaten:

„Tempo dahoeleoe bracht onze vloot zilver in 's Lands geldlade.

Thans geven wij de gest . . . (gestolen; Red), och ik bedoel „veroverde” zilverlingen met rente en interest uit aan reparatie kosten vóór de vloot, voor onze vloot. . . . (Dèk bijèn, kapalkoe-perang ngisèni doewit, petèné Nagara. Saiki, doewit tjo . . . (longan), ah doedoe, sing tak karepé doewit „nangnangan” maoe dakwetokaké kanti nganaki kanggo andandani kapal-perangkoel.”

Awis pandamelan.

Ing Bandoeng, tanggal 1 Agoestoos poenika wonten bikakan koer-soes montir kanggé Post Telegraaf en Telephoondienst. Ingkang dipoenbetahaken namoeng laré 27. Nanging ingkang nglebeti wonten sèwoe tigang atoes sèket (A. I. D.).

Arta langkoeng samlijoen kanggé damel margi,

Ing parepatan Raad Kaboepatèn Malang ingkang badé kalampahan poenika, badé angrembag damel margi énggal 8, pandjajipoen 96 K. M., wragadipoen f1.074.000. Margi-margi waoe ingkang 6 ing Pagak (Malang Kidoel), pandjang-

ONTJÈN SEKAR GAMBIR MELATI.

ANGLEBOER PADAGANGAN WANITA.

Pambijantoeipoen Paréntah.

Nembé poenika Departement van Justitie anjekar serat sebaran dateng para pangageng gewest. Sirkoelèr waoe, kanggé merangi padagangan tijang èstri. Sakawit njarijosaken lalampahan ingkang doemawah dateng badanipoen laré èstri tetiga ing Koetawinangoen ingkang kasadé tijang dateng Singgapoer, kados ingkang sampoen naté kawrat ing Sw. Tm. ngriki. Sasampoenipoen makaten sirkoelèr poenika anjebotaken asoeraos:

„bilih anggènipoen tindak awon poenika prasasat boten kasoemerepan, poenika margi tetijang doesoan sami ngandelan lan kèndèl kémawon. Kadjawi makaten ichtijar pangleboering padagangan waoe, boten badé saged kasembadan, manawi boten pikantoe pambijantoeipoen golongan pinten-pinten; inggih sanadyan poelisi, pangreh doesoan, poenggawa palaboehan sami toemoet tandang damel. Tetijang ngriki pijambak kedah ngatos-atos, sampoen agé-agé ngandel dateng tijang sanès ingkang andjandjèni kamoektèn, kawibawan, wonten nagari sanès. Saja manawi ingkang dipoen-ting-iming-i oetawi dipoendjandjèni waoe tijang èstri lan prawan, poenika sampoen agé-agé ladjeng anggega.

Sasampoenipoen sarembag kalijan Adviseur Int. Zaken, Departement van Justitie saged andawoehaken bilih kadjawi para prijantoe B. B., loerah-loerah doesoan, para goeroe djalar lan èstri inggih saged toemoet merangi prakawis poenika. Wonten salebet lan sadjawning sakolahan, para goeroe poenika waoe saged angèngtaken bilih tijang èstri toewin prawan ingkang goemampil toemoet tijang dateng nagari mantja, poenika adakanipoen badé nemahi sangsara, inggih sanadyan pamikatipoen dapoer pangiming-iming ingkang ménginaken pisan. Tijang ingkang dipoentaweni pandamelan wonten mantja waoe prajogi sami ngoepados katrangan dateng prijantoe pangreh pradija bangsa Indonesia oet. Éropah.

Biro kagoenganipoen Paréntah ingkang sedyanipoen inggih merangi prakawis padagangan tijang èstri toewin boekoe-boekoe saroe, sagah ambijantoe anjegah padagangan poenika, sarana paring katrangan-katrangan lan manawi perloe, sagah anindakaken papriksan kawontenanipoen tanah mantja.”

\*\*\*

Wedalipoen sirkoelèr poenika, ngantawisi bilih Paréntah ambijantoe sanget dateng aksi ngleboer padagangan laré èstri. Oetawi kénging katemboengaken: adeging C.P.P.A. toemoet andajani wedaling sirkoelèr poenika. Adeging C. P. P. A. andajani Paréntah badé angentjengi toemindaking artikel anjegah padagangan satoenggal poenika, langkoeng kentjeng tinimbang waoenipoen.

Kaseboet ing nginggil, anggènipoen prakawis andagang prawan waoe boten ladjeng kasoemerepan, poenika margi tetijang sami kèndèl.

Ing ngriki preloe koela pratélakaken, bilih kèndèlipoen tetijang ndoesoen, poenika dèrèng mesti saking lepatipoen tetijang waoe pijambak.

Koepija ing padoesoenan, anedahaken koela sadaja: kerep kémawon wonten loerah doesoan boten mardoeli wadoelipoen kanta alit. Réhné sampoen kerep katatalan makaten, tetijang ladjeng djindja. Watak wantoenipoen tijang dèrèng nalar, sa-

dèrèk, . . . . pandjenengan saged anggagapi!

Déné kanta loerah anggènipoen sok gadah tindak makaten waoe, limrahipoen kadjawi kamanah ngindak-indaki pandamelan, inggih margi tjampoer tangan. Ing ngandap poenika koela njaoosi tjonto lalampahan anggènipoen poenggawa doesoan sok boten mardoeli palapoer-ranipoen kanta alit.

Midden Java tanggal 1 Augustus '30 metik pawartos ing *Nieuw Soerabj. Courant* ingkang asirah „Dessa geheimen” oet. „Wadados padoesoenan.” Ing pawartos waoe katjarijosaken kirang langkoeng kalih tengah taen kapengker, mbok B. ing Tjoeroeg, kresipahan anak oemoer 1½ taen, margi katjemploeng soemoer. Konanganipoen, sareng sampoen pedjah mekoengkoeng: Poen bijoeng ladjeng mladjeng dateng panggenanipoen pentjalang (loerah?), sarta mratélakaken badé lapoer dateng poelisi Mr. Cornelis. Nanging, dipoenpenggak poenggawa doesoan waoe. Tjarijosipoen: nèk lapoer, kowé malah répot, toer ora woeroeng kowé mesti ngetokaké doewit akèh kanggo toekoe lawon, wragad njortanah. Ill. Betjike, . . . . . soemoeré ditalek wael! — Poen bijoeng, manoe. Soemoer ingkang lebetipoen ± 11 M, ladjeng dipoenoeoer tijang sakawan: sadinten rampoeng . . . . .

Mangga, kados -poendi makaten poenikal Nanging, . . . . sampoen!, koepija padoesoenan poenika waoe boten soesah kapandjang-pandjangaken! Ingkang perloe: Paréntah mbijantoni sanget ichtijar anjirnakaken padagangan laré èstri!

Gandèng kalijan lalampahan itjallipoen laré Salam kados ingkang kawartosaken ing Sw. T. kala Djoemoeah kapengker, s.k. *Het Nieuws van den Dag* njarijosaken mireng rerembaganipoen tijang ingkang nedja ngleboer padagangan waoe, boten poeroen njamboet damel sasarengan kalijan Paréntah. Kawontenan poenika, sanget dipoen-gegoeni *Het Nieuws*. Serat kabar waoe mrajo-gékaken sanget dateng C. P. P. A. soepados salebetipoen toemandang ndamel, poeroena neda pitoeloenganipoen poelisi toewin prijantoe pangreh pradija.

Pamirengipoen *Het Nieuws* waoe kakah inggihipoen. Anggènipoen koela wani matoer makaten, margi angèngeti ing salebeting C. P. P. A., pantjèn wonten kalih golongan. Inggih poenika: poeroen lan boten poeroen njamboet damel sasarengan kalijan Paréntah; alijas golongan *coöperators* kalijan *non coöperators*. Dados, swanten ingkang kapireng koepingipoen *Het Nieuws* waoe, asli saking golongan non-coöperator.

Koeping koela pijambak, inggih mireng swanten wonten kalangan C. P. P. A. ingkang glètèk-petèlipoen kados tjarijosipoen *Het Nieuws*.

Nanging, pèngèt, swanten poenika waoe dédé swantening *parepatan* C.P.P.A. Dados dédé swanten *opitsijil*. Boten kénging ladjeng kanggé anetepaken: C.P.P.A. emoh njamboet gawé babarengan karo Paréntah . . .

Madegipoen C. P. P. A. pantjèn ada-adanipoen tetijang ngriki pijambak. Medal saking *autoactiviteit* kita. Lan *autoactiviteit* poenika waoe boten anentjang C. P. P. A. nampik kémawon, oetawi ngadjengi pambijantoeipoen Paréntah.

Nanging kanggé ngajoni mengsah sekti poenika waoe, wadyabala kita kedah kakah. Barisan kita kedah *santosa*. Saja kekah, saja prajogi! Mila, astanipoen Paréntah ingkang sampoen moeloeng nedya atoetoeloeng poenika waoe, kinten koela boten badé dipensamploek golongan C. P. P. A.

Kumuningsasélé 3 Augustus '30. Taklim PATJAR MERAH.

NGOEPADOS

réntjang èstri (sokoer Katholiek), tjekap ing oemoer, mrantasi pendamelan ing pawon toewin kénging pinitados momong laré-laré.

Kanggé fam. J. C. O. Hadiwardaja Pagilaran Pekalongan.

Blandja: f 5.— sawoelan. Neda toewin tilem nglebet. Katrangan dateng ADMINISTRATIE Swara Tama.





**M. v. BIENE.**

Toekang herlodji  
dan Toekang emas.

Adres jang  
moerah

**DJOKJA BANDOENG**  
Telf. 252 Telf. 226

boeat LONTJENG, HER-  
LODJI dan PERKAKAS  
EMAS.

Pembatja  
**SWARA TAMA,**  
dengan bawa lembaran  
Swara Tama  
dapat **POTONGAN.**

**PAKOLÈH TOER LOEWESAN**  
**SAÉ TOEWIN AWÈT**  
**INGGIH NAMOENG**  
**MERK GAZELLE**

INGKANG AWOEDJOED

ALCYON  
DUNLOP } RIJWIELEN  
R. I. W.

**Nitjil kénging! — Kentjèng soekoer!**

**GAZELLE HUIS — ROEMAH GIDANG**  
**MALIOBORO — DJOKJA — TELF. 508.**

Boeat toean poenja

**ERCEE**

**ADOTHEKEN**

**Rathkamp**  
& Co

**MALIOBORO 15 DJOKJAKARTA.**

**TOKO BARANG - BARANG**  
**H. SPIEGEL — Djokja.**

**ADRES JANG PALING BAIK, boeat:**

Eetserviezen — Theeserviezen: f 5,75.  
Perkakas dari gelas, dan perkakas dapoer;  
Kereta dan korsi boeat anak - anak;  
Tempat tidoer, lampoe gasoline, dan  
— permainan boeat anak - anak ketjil. —

**SEMOEA BARANG PALING DJEMPOL, DAN  
MOERAH SEKALI!**

**Toko DJOEN & Co., Djocja.**  
PATIJNAN MOEKA TOKO FUJI — Telf: No. 374.

Adres jang paling moerah dan paling baik  
boewat pembikinannya.

**ROTIE - ROTIE, KOEWEE - KOEWEE dan  
BESCHUIT - BESCHUIT KERING.**

**SROETOE - SROETOE dan ROKOK -  
ROKOK, jang haloes dan kasar.**

Djoega slamanja djanan loepa minoem kita  
poenja KOFFIE BOEBOOK, jang speciaal die  
giling dengan machine Electrics, bisa giling aloes  
dan kasar, menoeroet pembele poenja perminta'an  
die tanggoeng sampee menjenengken, harga per  
pond f 0.90.  
Bolih datang saksiken!

Memoedijken dengan hormat  
**Toko DJOEN & Co.**

**AGÈNT KANGGÉ SALEBETIPOEN  
NGAJOGJAKARTA.**

**Sepeda - sepeda merk:**  
SIMPLEX Cycloide, S. djené, S. petak sarta Simplex Transfer.  
HIMA: Wassenaer, Rondrit, Oranje sarta Woestduin.  
TOURIST: A. A. sarta A.

**Sedija oegi sepeda merk:**  
RAY — SWIFT — GRUNO — HUMBER — VIALLE —  
BURGERS E.N.R. — KROON — NATIONAL — BERGKONIG.  
Sarta malih sepeda mirah wiwit pengaos f 55.—, f 65.—, f 75.—  
saprabotipoen: Klinting, pompa, lentéra sarta tas isi perka-  
kas koentji sarta wadah lisah.  
Mentas tampi per S.S. Slamet sarta JOH. de WIT sepeda merk:  
ROVER Imperial, continental, The Rover sarta Metallicus.  
Sedija oegi Djas djawah, Kopper, Lentéra Stormking, Lemantoen  
tosan sarta tjét wènter.

**PENJADÉJAN KENTJÈNG SARTA KATJITJILAKEN.**  
Menawi perloe moendoet katerangan, badé kakintoen pratélani-  
poen kalajan lelahanan.

Njenjadang Welingan.

**Rijwielenhandel Reparatie-inrichting en Smederij:**  
**„WIRJOSOESENO“**  
Lodjiketjil 16. NGAJOGJAKARTA Telf. No. 13.

**TJÈT GILAP wedalan FRIELING model A.**

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;  
sablèg regi 10,50 5,50 3,- 1,30 0,75;

**TJÈT GILAP model B.** kanggé ndjawi lan nglebet  
namoeng kantoen ngagem; sablèg netto 10 kilo: f 8,50;  
5 kilo: f 4,50.

**PABRIK TJET R. B. FRIELING**  
Gondhomanan 80 — DJOKJA — Telefoon no. 784.

**JÈN NIJAT**  
**TEMTOE SAGED.**

Soewawi ambijan-  
toe Swara - Tama  
sarana dados leng-  
ganan.

Sinten dèrèng?  
Mangga madjeng!  
Sadèrèk Mangga.

**KLEERMAKER ACHMAD**  
TAMBAKSEGARAN  
**SOLO**

Pantji soedija kanggé para kakoeng  
mawi modèl warni-warni; oegi nampi  
welingan badé roepi-roepi.

**DAMELANIPOEN NÈTJES:  
ÉPAHANIPOEN PANTES.**

**EIGENAAR ACHMADJASIN**

ipoen goenggoeng 51 K. M. Ngan-  
tang-Wlingi, Djongga-Tawas (Ma-  
djakarta) (Srbj. Hdbi.)

**MANTJA NEGARI.**

**HINDOE.**

Djiwanipoen tanah ngrikoe, boten  
kirang saking 1/3 lipoen djiwa ing  
sadjagad, i. p. wonten 319 mlijoen.  
Djiwa samanten poenika ingkang  
bangsa Europa namoeng 200.000.

Tjatjahing poelisi lan soeldadoe:  
68.000; manawi karatjak saben  
bangsa Hindoe 4.700, satoenggal.

Bangsa Hindoe 319 mlijoen waoe,  
ingkang 60 mlijoen *sobat - kentel-  
ipoen* Inggris, sarta sami kalebet  
golongan „Soedra.” Golongan soe-  
dra poenika satanah ngrikoe di-  
poenasoraken pijambak, boten ké-  
nging nglebeti tjandi-tjandi Brahma,  
anak-anakipoen boten angsal kale-  
betaken sakolah. Malah roemijin  
tetijang Hindoe gadah wewenang  
pedjah gesangipoen golongan Soe-  
dra, nanging prakawis poenika sam-  
poen kasirnakaken paréntah Inggris.

Tijang 319 mlijoen waoe, ingkang  
ngroengkebi Agami Kristen namoeng  
5 mlijoen; lan pakarjan Zending ing  
ngrikoe boten gadah pangadjeng-  
adjeng ( . . . ? ? Red.). Déné ing-  
kang 314 mlijoen, Agaminipoen  
warni-warni, (warni 300).

Laré diwasa bangsa Hindoe ing-  
kang saged maos lan njerat namoeng  
8%. Nanging sanadjan namoeng  
8%, ingkang saged dados ahli  
anganggit kikidoengan (dichter) bot-  
ten kirang saking 350.000.

Tanah ngrikoe loh. Nanging tijang  
pedjah katah sanget. Laré ingkang  
pedjah sataoen - taoenipoen boten  
kirang saking *kalih mlijoen* (laré  
soeson dèrèng oemoer saminggoe:  
800.000; laré soeson oemoer saan-

tawisipoen kalih kalijan sakawan  
minggoe, wonten: 1.200.000). Ma-  
jitipoen laré-laré poenika sami ka-  
kèlèkaken wonten lèpèn-lèpèn.

Tjatjahing bijoeng taksih enèm  
ingkang pedjah, sataoen-taoenipoen  
12 mlijoen. Ingkang katah margi  
kirang pandjagining kasarasan. Ma-  
nawi poen bijoeng waoe gadah  
anak, papanipoen wonten kandang  
njanding popok reged-reged sanget.  
Sanadjan semanten katahipoen bi-  
joeng enèm ingkang tilar donja,  
tjatjahipoen waranda inggih boten  
sakedik. Sataoen-taoenipoen wonten  
27 mlijoen. Dasanan taoen kapeng-  
ker, taksih wonten padatan, manawi  
tijang èstri katilar pedjah lakinipoen,  
kedah ambèlani „mati obong.” Pra-  
kawis poenika dipoensirnakaken  
paréntah Inggris. Sang Mahatma  
Gandhi pijambak tjarijos makaten:  
„Anggeré waranda maoe ora laki  
manèh, koewi wis tjoekeop. Déné  
manawa nalikané sing lanang mèh  
ontjat njawané, ninggal wekas si-  
neksèn wong loro: sing wadon kena  
omah-omah manèh, koewi waranda  
maoe hija kena bandjoer laki olèh  
wong lija.”

Margi makaten waoe, waranda-  
waranda waoe ingkang katah sami  
kalambrangan; ngemis! Premilini-  
poen sami boten poeroen ngopèni.  
Tjatjahing waranda ingkang pipriman  
poenika waoe wonten 10 mlijoen.  
Tjatjah samanten poenika taksih  
wewah malih, katahipoen tijang  
djaler ngemis: 14 mlijoen.

Makaten tjarijosipoen „L' inde ave  
les Anglais.” (Midden Java).

Kawontenan politik ing Hindoe,  
dèrèng tentrem.

**TIONGKOK. Boten menda, ma-  
lah ndados.**  
Tanggal 31 Juli, ing Hankou  
angoendangaken oendang perang.

Wonten koeminis nenem dipoen-  
tjepeng.

*Bat. Nbl.* njarijosaken kapal pe-  
rang Inggris Aphis, dateng saking  
Changsha, wonten Hankou ambekta  
tijang ngoengsi gesang 49, djaler  
29, èstri 15, laré 5, (tijang Noor,  
Amerika, Prantjis, Djerman, Iss.).

Barisan koeminis ing Shanghai  
angoemoemaken brontakan - mèrah  
wonten prov. Hunan lan Kiangsi,  
sarta badé ngrebat Hankou. Kreteg-  
kreteg margi sepoer Peking — Han-  
kou - spoorweg, kaprenah 20 — 40  
mil saelèr Hunan, dipoenboedjadi.

Wadyabala koeminis ing Tiongkok  
wonten 60.000, gadah sendjata, mri-  
jem, pirantos radio, montor maboer,  
Iss. 45.000.

**ROESLAN.** Kabar saking Moskau  
4 Agoestoès, njarijosaken wonten  
lindoe ageng naradjang tanah salèr-  
ipoen pasisir saganten Kaspi. Kita  
Chapazvo lan Uritcky risak babar  
pisan. Kapitoenèn kinten² mlijoenan.  
Tijang ingkang pedjah, ketaton toe-  
win kètjalan grija pinten - pinten  
atoes.

**PARANGAKIK. Pogokan.**  
Parangakik Lèr wonten pogokan.  
Manoet tjatetan opisijil, kala 31  
Juli, wonten 80.000. Tjatjah saman-  
ten poenika, manoet tjarijosipoen  
Paréntah boten sapintena, margi  
tjatjahipoen kaoem berah wonten  
8 mlijoen. Tjatjah 80.000 poenika  
boten mandeg, malah mindak. Rou-  
baix anoesoeli tijang mogok 2000.

Tijang pogokan ing Halluin tjelak  
Roubaix, kala Senèn tjampoeih ka-  
lijan poelisi. Nanging ladjeng sirep.

**DJERMAN. Pangiridan.**  
Pabrik-pabrik èlèktris lan tosan,  
katjarijosaken badé ngawontenaken  
pangiridan amotjoti poenggawa lan  
njoedani blandja.

Pabrik Siemens sampoen amotjoti

poenggawa 700. Pakempalan - pa-  
kempalan toenggil damel sami badé  
kroda manawi blandja dipoenoen-  
kret.

Dipoenkoewatosaken: tetijang ing-  
kang sami nganggoer dadakan ma-  
èwoe-èwoe waoe gèk ladjeng toe-  
mijoeng dateng aksi mèrah.

Satoenggiling pakempalan toenggil  
damel ing Djerman ingkang santosa  
lan atindak boten mèrah, ngintoen-  
aken pèpèngget dateng Paréntah pra-  
kawis kawontenan ingkang badé  
doemados margi dajaning pangir-  
ridan.

**BARITANIJAH. Indakan bajar.**  
Komité prakawis blandjanipoen  
Minister, anggadhahi pamanggih: ba-  
jaripoen Minister-President, ingkang  
sapoenika 5000 pondsterling sataoen,  
soepados kadadosaken 7000 pond-  
sterling.

**Tijang nganggoer.**  
Tijang nganggoer ing Baritanijah  
kala minggoe antawisipoen tanggal  
13-20 Juli, wonten 939 èwoe. Manawi  
katanding kalijan taoen kapengker  
lan inggih noenggil wekdal kalijan  
wekdal kaseboet nginggil, mindak  
800 èwoe.

**DJEPANG. Prahara.**  
Tjatetan opisijil anjarijosaken bilih  
nalika Korea kala 18 Juli katradjang  
prahara, tijang ingkang pedjah won-  
ten 293; lan teksih wonten tijang  
1493 dèrèng pinanggih; bokmanawi  
inggih pedjah. Grija ingkang risak  
8475.

Déné tjatetan toemrap Kyushu  
(Djepang Kidoel): ingkang pedjah  
82, tijang ingkang dèrèng pinanggih  
75, tijang tatoe 425, grija ingkang  
risak babarpisan 16890; namoeng  
karisakan sakedik: grija 20.785. Baita  
ingkang kèrem oet. itjal wonten  
1803.

**WAWASAN BOEKOE.**

Nembé mangké redactie tampi boekoe:  
**Alat**  
**karang mengarang**  
**dihimpoeinkan olèh**  
**RADEN SASRASOEGANDA.**

Boekoe poenika sampoen tjap-tjapan ka-  
ping kalih; mratandani jèn dipoenadjengi.  
Ingkang saged migoenakaken boekoe poenika  
laré ingkang sampoen naté sinaoe basa Mla-  
djeng, apesipoen tamat sekolahan angka 2  
oetawi H. I. S., dados matoek manawi kang-  
gé ing Kweek - lan Normaalscholen. Ing pa-  
moelangan kalih poenika moerid-moerid tak-  
sih katoentoen ing goeroe, pramila badé  
langkoeng énggal saha gampil toemindak-  
ipoen katimbang kalijan manawi kapoerih  
sinaoe pijambak. Déné goeroe ingkang moe-  
langaken, kedah damang pijambak dateng  
basa Mladjeng, ngertos otak - atiking basa,  
béda-bédanipoen basa Mladjeng lan Djawi:  
dados sampoen ngantos oekara Djawi na-  
moeng loegoe katemboengaken Mladjeng.  
Tjara Djawi mleboe metoe: tjara Mla-  
djeng: keloeoar masoek.

Pranataning piwoelang oeroet-roentoet:  
wiwitan gampil, ladjeng ragi angel lan sa-  
teroesipoen. Piwoelang kawitan namoeng  
temboeng - temboeng ingkang sami oetawi  
mèh sami tegesipoen toewin temboeng - tem-  
boeng ingkang kosok - wangsoeli; bakda poe-  
nika ladjeng damel oekara tjelak-tjelak.

Pangadjeng-adjengipoen redactie, moegi  
boekoe kasbat saged énggal telas: ladjeng  
medal tjap-tjapan kaping tiga. Ananging ing  
bèndjing sasaged-saged lepatang pangetjap  
kaleresna: awit sapoenika taksih ragi katah  
lepatang pangetjap: oep:.

katja 6. no. 4. angka 21.  
„ 16. „ 21. tjonto.  
„ 30. „ 41. larikan saking wing-  
king.  
„ 35. „ 47. angka 14. enz.

Ananging lepat waoe goeroe saged ngle-  
resaken. Bab regining koela boten saged  
matoer, awit boten kaetjap ing boekoe. Tjo-  
bi njowoew priksa dateng pangarang pijam-  
bak oetawi drukkerij B.O.B. Ngajogjakarta.

Redactie matoer noewoen dateng pandje-  
nenganipoen Radèn Sasrasoeganda.